



Pou Piblikasyon Imedya: 19/09/2022

GOUVÈNÈ KATHY HOCHUL

## GOUVÈNÈ HOCHUL ANONSE FINISMAN EKSPANSYON IZIN FAMASETIK KI KOUTE 8.6 MILYON DOLA NAN TONAWANDA

*Avantaj devlopman ekonomik yo pral pèmèt Pine Pharmaceuticals double travay  
a tan plen yo*

*Demontre angajman New York pou ankouraje kwasans biznis inovatè yo ak sipòte  
avni Eta a nan fabrikasyon teknolojik*

*Gade foto enstalasyon ki agrandi a [isit la](#)*

Gouvènè Kathy Hochul te anonse jodi a finisman ekspansyon izin fabrikasyon Pine Pharmaceuticals LLC ki koute 8.6 milyon dola nan Vil Tonawanda. Konpayi soutretans medikaman an te triple gwosè enstalasyon li an nan Pak Teknolojik Solè Riverview la apre gwo kwasans konpayi an nan twa ane pase yo. Ekspansyon an te pèmèt Pine ajoute prèske 90 nouvo anplwaye pèmanan a tan plen, sa ki double pwojeksyon inisyal li yo ak mendèv pèmanan a tan plen global li. Empire State Development (ESD) dakò soutni pwojè sa a avèk jiska 650,000 milyon dola nan kredi enpo Pwogram Travay Excelsior (Excelsior Jobs Program) la ki baze sou pèfòmans.

"Fabrikasyon se yon pati nan eritaj New York, epi eta nou an se lakay kèk nan pi bon enjenyè, devlopè, ak syantis nan monn lan", **Gouvènè Hochul te deklare**.

"Envestisman Pine Pharmaceuticals nan Lwès New York pral ede konble yon bezwen kritik pou medikaman ki fabrike Etazini, kenbe ak kreye travay ki nesesè yo epi kontinye ranfòse kwasans ekonomik eta nou an."

Pine Pharmaceuticals se yon biznis familyal ki te fè eksperyans kwasans ak siksè eksponansyèl nan Lwès New York. Konpayi an ofri preparasyon famasetik, sa enkli fòmilasyon esteril espesyalize pou sèvi oftalmolojis, espesyalis retin, lopital, sant operasyon anbilatwa, kabinè medikal ak klinik. Konpayi an itilize teknoloji dènye kri ak pratik asirans kalite prensipal nan endistri a epi abòde mank medikaman yo nan travay avèk lopital, klinik, kabinè medikal ak biwo doktè pou founi pwodui famasetik konpoze ki esteril.

Pine Pharmaceuticals te envesti 8.6 milyon dola pou yon ogmantasyon 50,000 pye kare nan enstalasyon trè modèn ki egziste deja a. Konpayi a benefise tou yon alokasyon

enèji nan pri ki soti nan Otorite Enèji New York (New York Power Authority, NYPA): yon alokasyon kouran idwo-elektrik 400 kilowat (kW) nan Niagara ak yon alokasyon enèji ReCharge NY 136 kW nan kad angajman li pou kreye ak kenbe travay epi envesti kapital. [ReCharge NY](#), ke Eta New York te lanse an 2011, ofri kontra enèji jiska sèt ane. Mwatye kouran elektrik — 455 megawat — sòti nan izin kouran idwo-elektrik Niagara ak St. Lawrence-Franklin D. Roosevelt NYPA a yo, ki bay kèk nan elektrisite ki pi vèt, pi pwòp ak pi bon mache nan eta a. Rès 455 megawat la se kouran elektrik pi bon mache NYPA te achte sou mache an gwo a.

**Prezidan, Direktè Egzekitif Jeneral ak Komisè Empire State Development Ian, Hope Knight, te deklare**, "Endistri swen sante a se yon sektè k ap grandi nan ekonomi reyjonal Lwès New York la, epi avèk sipò Gouvènè Hochul, biznis tankou Pine Pharmaceuticals ap kreye plis travay bon kalite pou travayè lokal yo. Desizyon konpayi an pou triple gwosè enstalasyon li an, pandan l ap ajoute 40 travay a tan plen, raple nou ke rekiperasyon nou anba Covid-19 sou pwen pou rive".

**Alfonse Muto, Pwopriyetè, Pine Pharmaceuticals LLC te deklare**, "Nou rekonesan anpil pou sipò Eta New York te montre nou pandan pwosesis ekspansyon nou an. Nou fyè dèske n ap dirije chaj la isit la nan Lwès New York lè nou kreye plizyè douzèn nouvo travay epi founi pwodui famasetik esansyèl ki pral amelyore anpil swen pasyan atravè peyi a".

Nouvo adisyon yon etaj nan enstalasyon preparasyon esteril la gen ladan depo, kalite ak espas pou fabrikasyon. Lòt investisman enpòtan gen ladan chanm pwòp ak ekipman fabrikasyon ki sètifye pa ISO. Konpayi an pral itilize espas adisyonèl la pou pwodwi sak IV ak lòt pwodwi konplèks, ansanm ak pou enspeksyon, anbalaj, etikèt ak depo. Yo te kreye tout biling lan depi nan kòmansman pou li te reponn a Bon Pratik Fabrikasyon Aktyèl (Current Good Manufacturing Practice, CGMP) FDA a.

**Senatè Eta a, Sean Ryan te deklare**, "Ekspansyon Pine Pharmaceuticals se yon bèl egzanp sou fason sipòtè kwasans biznis lokal yo ede fè ekonomi reyjonal nou an avanse. Mwen felisite ekip lidèchip konpayi an pou desizyon yo pran pou elaji operasyon yo isit la nan Lwès New York epi pote plizyè douzèn nouvo travay nan Vil Tonawanda".

**Manm Asanble William Conrad, te deklare**, "Ekspansyon prèske 9 milyon dola Pine Pharmaceuticals - ki te triple gwosè etablisman li an nan Pak Teknoloji Solè Riverview k ap grandi a epi te ajoute 40 travay a tan plen nan sektè syans lavi reyjon nou an - te yon senbòl evidan rezistans ekonomik Lwès New York apre pandemi an. Li reprezante tou pwogrè enpòtan pou Vil Tonawanda ak objektif solid li pou re-imajine bò lanmè li a avèk devlopman ki pi pwòp, ki pi vèt, ki pi fasil pou mache. Mwen remèsyen Pine Pharmaceuticals paske li kontinye envesti nan Tonawanda, epi mwen fyè dèske Eta New York te rekonèt valè pou nou tout nan patenarya li avèk biznis fanmi k ap grandi sa a".

**Sipèvizè Vil Tonawanda a Joseph Emminger te deklare**, "Ekspansyon an se yon adisyon ki byenvini nan devlopman kontinyèl baz komèsyal Tonawanda epi li pral ajoute nan siksè Pine Pharmaceuticals ki te chwazi pou opere youn nan pi gwo enstalasyon soutretans ki anrejistre nan FDA nan vil Tonawanda".

**Prezidan Montante Construction Ian, Douglas Elia, te deklare**, "Montante Construction te fyè pou li yon lòt fwa ankò fè patenarya avèk Pine Pharmaceuticals sou ekspansyon enstalasyon fabrikasyon yo a nan Pak Teknoloji Solè Riverview. Ekip nou an te reyini ansanm pou konstwi yon espas teknikman difisil, ki gen ladan sal pwòp ki limite polyan ak kontwole faktè anviwònmantal yo tankou tanperati, imidite, ak presyon. Nou pa ka tann pou nou wè patenarya alavni yo avèk Pine pandan y ap avanse pou fabrike pwodwi medikal ki gen anpil demann yo pou biwo swen sante, klinik, lopital, ak lòt enstalasyon atravè Etazini isit la nan Lwès New York".

### **Konsènan Pine Pharmaceuticals**

Pine Pharmaceutical se yon konpayi ki anrejistre avèk FDA, ki respekte CGMP, yon batiman soutretans 503B. Pou plis enfòmasyon, tanpri vizite [www.PinePharmaceuticals.com](http://www.PinePharmaceuticals.com) oswa rele nan [844-218-4138](tel:844-218-4138) pou aprann plis sou pwodwi ak sèvis nou yo.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418